



Til adresseliste

Vår dato: 01. OKT. 2013

Vår ref.: NVE 201301188-4 ki/baso

Arkiv: 313 / 039

Dykkar dato:

Dykkar ref.:

Sakshandsamar:

Bård Ottesen

22 95 95 28

Marine Harvest Norway AS - søknad om løyve til uttak av vatn frå Storavatnet i Tysfjord kommune, Rogaland - høyring

NVE har motteke ein søknad frå Marine Harvest Norway AS, datert 16.09.2013, om løyve til uttak av vatn frå Storavatnet i Årvikvassdraget ved Kårstø i Tysfjord kommune.

Marine Harvest Norway AS søker om å ta ut vatn til eit nytt settefiskanlegg på Kårstø. Det vert søkt om eit kontinuerleg uttak av 50 l/s (3 m³/min) direkte frå Storavatnet. Vassuttaket skal skje innanfor rammene av Statoil/Gassco AS sitt løyve med vilkår frå 1983, til å ta ut 158 l/s (9,5 m³/min) frå Storavatnet til gassterminalen på Kårstø.

Søknaden skal handsamast etter reglane i kap. 3 i vassressurslova og gjeld løyve etter vassressurslova § 8. Søknaden med vedlegg vert lagt ut på www.nve.no/konsesjonssaker, og den vert kunngjort av NVE. Kopi av kunngjeringa ligg ved. Dersom de ønskjer papirutgåve av søknaden, kan de kontakte Ørjan Tveiten på tlf. 905 53 008 eller e-post: orjan.tveiten@marineharvest.com.

NVE ber Tysfjord kommune leggje to eksemplar av søknaden ut til offentleg ettersyn på Servicetorget på rådhuset fram til **12.11.2013**. Det eine eksemplaret kan, om naudsynt, lånast ut for kortare tid (2-3 dagar). Det andre må ikkje fjernast frå utleggingsstaden.

Vi syner elles til vedlagt informasjonsark som forklarar sakshandsaminga frå saka vert sendt på høyring til endeleg vedtak. Av dette går det fram kva for tilbakemelding vi ønskjer.

NVE føretrekkjer at fråsegner vert sendt oss elektronisk via www.nve.no/konsesjonssaker så snart som råd og seinast innan **12.11.2013**. I tillegg kan ein sende uttalar per e-post til nve@nve.no eller per post til: NVE, Konsesjonsavdelinga, Postboks 5091 Majorstua, 0301 Oslo.

Uttalen eller delar av uttalen vil bli referert i eit endeleg vedtak. Om uttalen er lang, er det difor ein fordel om det vert utarbeidd eit samandrag som kan brukast til dette.

E-post: nve@nve.no, Postboks 5091, Majorstuen, 0301 OSLO, Telefon: 09575, Internett: www.nve.no

Org.nr.: NO 970 205 039 MVA Bankkonto: 7694 05 08971

Hovedkontor

Middelthunsgate 29
Postboks 5091, Majorstuen
0301 OSLO

Region Midt-Norge

Vestre Rosten 81
7075 TILLER

Region Nord

Kongens gate 14-18
8514 NARVIK

Region Sør

Anton Jenssensgate 7
Postboks 2124
3103 TØNSBERG

Region Vest


Naustdalsvn. 1B
Postboks 53
6801 FØRDE

Region Øst

Vangsveien 73
Postboks 4223
2307 HAMAR



Med helsing


Gry Berg
seksjonssjef


Bård Ottesen
overingeniør

Vedlegg: 4 Søknad til kommunen
Kunngjeringstekst
Informasjonsark
Adresseliste

Kopi: Marine Harvest Norway AS, Postboks 4012 Dreggen, 5835 Bergen

Adresseliste for: Søknad om løyve til regulering og uttak av vatn frå Storavatnet, Tysvær kommune i Rogaland – Marine Harvest AS

Handsamast etter: Vassressurslova

Vert kunngjort av NVE ved CIA Media Marketing 1 gong i: Haugesunds Avis og Tysvær Bygdeblad

Tal på søknadar	Namn/adresse
3	Tysvær kommune, Rådhuset, Postboks 94, 5575 Aksdal
	Fylkesmannen i Rogaland, Postboks 59, 4001 Stavanger
	Rogaland fylkeskommune, Postboks 130, 4001 Stavanger
	Naturvernforbundet i Rogaland, Postboks 441, Sentrum 4002 Stavanger
	NJFF Rogaland, Postboks 313, 4291 Kopervik
	Forum for natur og friluftsliv i Rogaland, Gamle Jåttåvågen 67, 4020 Stavanger
	Friluftsrådet Vest, Postboks 63, 5575 Aksdal
	Haugesund Turistforening, Postboks 432, 5501 Haugesund
	Fiskeridirektoratet, Postboks 185 Sentrum, 5804 BERGEN
	Mattilsynet, Fellesmottmottak, Postboks 383, 2381 BRUMMUNDDAL
	Kystverket, Postboks 1502, 6025 Ålesund
	Miljødirektoratet, Postboks 5672 Sluppen, 7485 Trondheim
1	TBM - Anders Thon Bråten (ANTB)
1	TBD - Karen Marie Straume (KMS)

- KUNNGJERING -

Marine Harvest Norway AS – Søknad om løyve til uttak av vatn frå Storavatnet i Tysvær kommune

NVE har motteke ein søknad frå Marine Harvest Norway AS om løyve til uttak av vatn frå Storavatnet i Årvikvassdraget ved Kårstø i Tysvær kommune.

Marine Harvest Norway AS søker om å ta ut vatn til eit nytt settefiskanlegg på Kårstø. Det vert søkt om eit kontinuerleg uttak av 50 l/s (3 m³/min) direkte frå Storavatnet. Vassuttaket skal skje innanfor rammene av Statoil/Gassco AS sitt løyve med vilkår frå 1983, til å ta ut 158 l/s (9,5 m³/min) frå Storavatnet til gassterminalen på Kårstø.

Søknaden med vedlegg er lagt ut til offentleg ettersyn på Servicetorget på rådhuset og på NVE sine nettsider www.nve.no/konsesjonssaker fram til høyringsfristen går ut. Kontakt søkjar på tlf. 905 53 008 eller e-post: orjan.tveiten@marineharvest.no om de ynskjer papirutgåve av søknaden. Fråsegn kan sendast elektronisk via www.nve.no/konsesjonssaker, per e-post til nve@nve.no eller per post til: NVE, Konsesjonsavdelinga, Postboks 5091 Majorstua, 0301 Oslo innan **12.11.2013**.

Orientering til høyringspartane

Generelt

NVE har heimel til å gje løyve i saker som gjeld utbygging av småkraftverk og andre vassdragstiltak. Løyve til større kraftutbyggingar blir gjeve av Kongen i statsråd.

Denne orienteringa gjeld saker der NVE kan gje løyve etter § 8 i vassressurslova.

Handsaming av søknaden fram til endeleg avgjerd

NVE sender informasjon om høyringa til kommunar, fylkesmenn (FM), fylkeskommunar (FK), statlege forvaltingsorgan og interesseorganisasjonar som saka vedkjem. Høyringsperioden er minst 6 veker. Saka vert kunngjort i minst ei avis i distriktet og kommunen legg søknaden ut til offentleg gjennomsyn, ev. utlån. Søknaden vert òg lagt ut på www.nve.no/konsesjonssaker med tilgang til å sende inn fråsegn elektronisk.

Søkjar får høve til å kommentere innkomne fråsegner før NVE gjennomfører synfaring i området.

I heilskapsvurderinga står NVE fritt til å vurdere om løyve bør gjevast og i kva omfang, jf. vassressurslova § 25. Søknaden og innkomne høyringsfråsegner er viktige grunnlag for NVE si vurdering.

Dersom NVE gjev løyve, kan det bli knytt vilkår til dette, jf. vassressurslova § 26. Vilkåra kan omfatte byggjefristar, vasslepping, naturforvaltning, fornminne og sanksjonar ved ev. brot på vilkåra.

NVE si avgjerd kan påklagast til Olje- og energidepartementet innan 3 veker frå det tidspunkt underretning er kome fram til parten.

Kva vert forventa av høyringsinstansane?

Kommunen bør gje grunngeevne synspunkt på om planane bør gjennomførast, ev. val av alternativ. Vi ber kommunen informere om kjende allmenne interesser (t.d. landskap, friluftsliv, fisk og vilt) som tiltaket kan få følgjer for, og ev. andre faktiske tilhøve som kan få innverknad på gjennomføringa. NVE ønskjer forslag til vilkår eller avbøtande tiltak som kan redusere ev. skader ved gjennomføring av planane. NVE ventar at kommunen omtalar tilhøve til kommuneplanen og andre kommunale planar.

FM bør leggja vekt på tilhøva omkring miljø, medrekna fisk og biologisk mangfald, og vurdere tiltaket i høve til sektorlovgivinga.

FK bør leggja vekt på kulturminne og friluftsliv som er særlege ansvarsområde.

Motsegn og klagerett

Det er ikkje krav om reguleringsplan etter plan- og bygningslova for tiltak der det krevjast konsesjonshandsaming. For å ta hand om retten til å fremja motsegn som kommunar og statlege fagetatar har hatt til reguleringsplanar, er det teke inn reglar i vassressurslova om motsegn og klagerett. NVE understrekar at ei ev. motsegn må fremjast i høyringsperioden.

NVE syner til våre nettsider for meir informasjon: www.nve.no/konsesjonssaker.